

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj: 7/10), a u vezi sa članom 28., stav 1. i članom 46., stav 1., Zakona o izvršenju Budžeta Zeničko-dobojskog kantona za 2018. godinu, („Službene novine Zeničko-dobojskog kantona“, broj: 1/18) i odredbama Zakona o poticaju razvoja male privrede („Službene novine Zeničko-dobojskog kantona“, broj: 7/16.), na prijedlog Ministarstva za privredu, Vlada Zeničko-dobojskog kantona, na 136. sjednici, održanoj dana 19.03.2018. godine, d o n o s i

ZAKLJUČAK
o usvajanju Programa utroška budžetskih sredstava u 2018. godini
(Subvencije privatnim preduzećima i poduzetnicima)

I.

Usvaja se Program utroška budžetskih sredstava u 2018. godini-(Subvencije privatnim preduzećima i poduzetnicima), Ministarstva za privredu Zeničko-dobojskog kantona, u iznosu od 1.600.000,00 KM (slovima: milionišestohiljada konvertibilnih maraka) i čini sastavni dio ovog zaključka.

II.

Sredstva planirana ovim Programom utroška sredstava, realizirat će se isključivo u skladu sa realizacijom ostvarenih javnih prihoda u Budžetu Kantona u prethodnom mjesecu i planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva finansija, osim u izuzetnim slučajevima odobrenim posebnim aktima Vlade Kantona.

III.

Zaključak stupa na snagu danom donošenja.

Broj: 02-14-4732/18.
Datum, 19.03.2018. godine
Zenica

PREMIJER

Miralem Galijašević

DOSTAVLJENO:

1x Ministarstvo za privredu,
1x Ministarstvo finansija,
1x a/a.



PROGRAM
UTROŠKA BUDŽETSKIH SREDSTAVA ZA 2018. GODINU
(Subvencije privatnim preduzećima i poduzetnicima-ESCROW)

Zenica, mart/ožujak 2018. godine

PROGRAM
UTROŠKA BUDŽETSKIH SREDSTAVA U 2018. GODINI
(Subvencije privatnim preduzećima i poduzetnicima)

I. UVOD

Pravni osnov za donošenje Programa utroška budžetskih sredstava u 2018. godini – Subvencije privatnim preduzećima i poduzetnicima - ESCROW nalazi se u članu 28., stav 1. i članu 46., stav 1., Zakona o izvršavanju budžeta Zeničko-dobojskog kantona za 2018. godinu („Službene novine Zeničko-dobojskog kantona“, broj: 1/18) i odredbama Zakona o poticaju razvoja male privrede („Službene novine Zeničko-dobojskog kantona“, broj: 07/16).

Ovaj program usaglašen je sa Strategijom razvoja Zeničko-dobojskog kantona za period 2016-2020 godina, te sa nadležnostima Ministarstva za privredu.

II. IZVOR FINANSIRANJA

Budžetom Zeničko-dobojskog kantona za 2018. godinu, („Službene novine Zeničko-dobojskog kantona“, broj: 1/18), utvrđena su finansijska sredstva, ekonomski kod 614500 – Subvencije privatnim preduzećima i poduzetnicima u iznosu od **1.600.000,00 KM**.

III. ALOKACIJA SREDSTAVA

Imajući u vidu raspoloživa sredstva, te obaveze koje proizilaze iz Programa rada Ministarstva za privredu i Programa rada Vlade Zeničko-dobojskog kantona, Ministarstvo za privredu je planiralo utrošak utvrđenih sredstava, na sljedeći način:

1. RAZVOJ KONKURENTNOSTI PRIVREDE

UKUPAN IZNOS: 640.000,00 KM

Indikatori: Prihodi preduzeća, iznos izvoza, broj novih radnih mjesta;

1.1. Program podrške razvoju konkurentnosti privrede (investiranje u opremu, obuke radne snage, promocija i sajmovi, standardi i kontrola kvalitete, patenti)

Iznos: 500.000,00 KM

Svrha:

Jačanje preduzeća sa područja Zeničko-Dobojskog kantona kroz tehnološko unapređenje proizvodnih procesa i promocija izvoznih potencijala, umrežavanje sa inostranim tržištima i poslovnim partnerima, sa posebnim fokusom na sektore sa najvećim potencijalom za ekonomski rast.

Povećati konkurentnost preduzeća na inostranom i domaćem tržištu kroz podršku procesu uvođenja standarda i sistema kvaliteta, patenata te jačanjem njihove sposobnosti da posluju na međunarodnim tržištima.

Unaprijediti znanja i vještine radnika što će doprinijeti stvaranju kvalitetnih radnih mjesta prema potrebama preduzeća kao i sveobuhvatno jačanje ponude na tržištu rada u FBiH.

Vlada Kantona će pojedinačno subvencionirati dio troškova za:

1. Djelomičnu rekonstrukciju objekta za smještaj opreme i mašina,
2. Nabavku opreme i mašina (stalna sredstva) za obavljanje djelatnosti,
3. Promociju preduzeća na inostranim tržištima,
4. Uvođenje standarda, novih procesa, kontrola kvalitete i registracija patenata,
5. Obuke, dokvalifikacije i prekvalifikacije radnika.

Radi obavještanja korisnika o mogućnostima dobivanja sredstava poticaja odluka se objavljuje u sredstvima javnog informiranja u formi javnog poziva za dodjelu poticajnih sredstava na oficijelnoj web stranici Kantona.

Organizacija-primalac: Proizvodna preduzeća sa registriranim šiframa djelatnosti po Klasifikaciji djelatnosti KD C i J62.

Kriteriji: Uputstvo o postupku i kriterijima – prema Javnom pozivu.

1.2. Subvencioniranje projekata komora i udruženja iz područja privrede

Iznos: 40.000,00 KM

Svrha:

U cilju intenziviranja aktivnosti komora i udruženja, naročito njihovog djelovanja na područje proizvodnih djelatnosti, a samim tim i uticaj na zapošljavanje i razvoj Zeničko-dobojskog kantona, Vlada Kantona će subvencionirati dio troškova realizacije projekata iz programa rada ovih organizacija, kao što su:

- priprema i organizacija edukacije poduzetnika,
- priprema i izrada kolektivnih promotivnih materijala i
- priprema i organizacija kolektivnih nastupa na sajmovima u BiH.

Pravo na dodjelu sredstava poticaja za realizaciju projekata navedenih u tački 2. ovog Uputstva, imaju komore i udruženja koja su registrirana na kantonalnom nivou prema:

- Zakonu o privrednim komorama u Federaciji BiH (»Službene novine Federacije BiH«, broj: 35/98, 34/03).
- Zakonu o obrtu i srodnim djelatnostima („Službene novine Federacije BiH“, broj: 35/09 i 42/11);
- Zakonu o udruženjima i fondacijama ("Službene novine Federacije BiH", broj: 45/02), čije dominantne aktivnosti su vezane za djelatnosti iz nadležnosti Ministarstva za privredu Zeničko-dobojskog kantona.

Radi obavještanja korisnika o mogućnostima dobivanja sredstava poticaja odluka se objavljuje u sredstvima javnog informiranja u formi javnog poziva za dodjelu poticajnih sredstava na oficijelnoj web stranici Kantona.

Organizacija-primalac: Komore i udruženja iz područja privrede

Kriteriji: Uputstvo o postupku i kriterijima – prema Javnom pozivu.

1.3. Subvencioniranje - regresiranje kamata na investicijske kredite

Iznos: 100.000,00 KM

Svrha:

U cilju intenziviranja investicija u oblasti proizvodnih djelatnosti, a samim tim zapošljavanja i razvoja, Vlada Kantona će, radi rasterećenja i podrške investitorima u početnim fazama realizacije investicija, regresirati dio uplaćenih kamata na odobrene investicijske kredite privrednim subjektima registriranim u Zeničko-dobojskom kantonu, ukoliko svoju investiciju realiziraju na

području Zeničko-dobojskog kantona na temelju kredita odobrenog od strane bilo koje od komercijalnih banaka registriranih u Bosni i Hercegovini.

Pod proizvodnom investicijom, u duhu ovog poticaja, podrazumjeva se isključivo:

- kupovina, izgradnja, uređenje i proširenje objekata za obavljanje registrirane proizvodne djelatnosti iz područja C–Prerađivačka industrija i područja utvrđene standardnom klasifikacijom djelatnosti,
- kupovina sredstava za rad, opreme ili pojedinih dijelova opreme, kojom se obezbjeđuju uslovi za obavljanje registrirane proizvodne djelatnosti iz područja C–Prerađivačka industrija,
- obezbjeđenje osnovnih sredstava, za obavljanje registrovane proizvodne djelatnosti iz područja C–Prerađivačka industrija i područja (Standardna klasifikacija djelatnosti).

Kriteriji i procedure za prihvatanje određenog projekta investitora detaljno su definirani u Uputstvu o postupcima i kriterijima za odobravanje i dodjelu sredstava poticaja.

Radi obavještanja korisnika o mogućnostima dobivanja sredstava poticaja odluka se objavljuje u sredstvima javnog informiranja u formi javnog poziva za dodjelu poticajnih sredstava na oficijelnoj web stranici Kantona.

Organizacija – primalac: Proizvodna preduzeća

Kriteriji: Uputstvo o postupku i kriterijima – prema Javnom pozivu

2. RAZVOJ PODUZETNIŠTVA I PODUZETNIČKE KULTURE

UKUPAN IZNOS: 500.000,00 KM

Indikatori: Prihodi preduzeća, broj novoosnovanih obrta i preduzeća, broj novih radnih mjesta;

2.1. Subvencioniranje administrativnih troškova i investicija kod obrta

Iznos: 200.000,00 KM

Svrha:

Planirana sredstva će se koristiti za subvencioniranje investicija kod obrta iz područja prerađivačkih djelatnosti. U cilju intenziviranja investicija u proizvodne obrtničke djelatnosti i smanjenja administrativnih troškova, a samim tim povećanja zapošljavanja i razvoja, Vlada Kantona će pojedinačno subvencionirati dio troškova za:

1. Pripremu objekta za obavljanje djelatnosti,
2. Nabavku opreme i mašina (stalna sredstva) za obavljanje djelatnosti,
3. Poticanje mladih obrtnika (do 35. godina) i
4. Poticaj tradicionalnih zanata.
5. Poticaj ženskom poduzetništvu

Kriteriji i procedure za prihvatanje određenog projekta investitora detaljno su obrađeni po Uputstvu o postupcima i kriterijima za odobravanje i dodjelu sredstava poticaja.

Radi obavještanja korisnika o mogućnostima dobivanja sredstava poticaja odluka se objavljuje u sredstvima javnog informiranja u formi javnog poziva za dodjelu poticajnih sredstava na oficijelnoj web stranici Kantona.

Na kraju budžetske godine Ministarstvo će izvjestiti Vladu i Skupštinu Zeničko-dobojskog kantona o realizaciji poticaja.

Relevantni propisi na osnovu kojih se zasniva ovaj dio transfera su:

- Uputstvo o postupku i kriterijima za odobravanje i dodjelu sredstava poticaja namjenjenih za subvencioniranje investicija kod obrta iz područja prerađivačkih djelatnosti.

Organizacija – primalac: Obrtnici

Kriteriji: Uputstvo o postupku i kriterijima – prema Javnom pozivu.

2.2. Subvencioniranje administrativnih troškova kod pokretanja poslovnih ideja i registracije privrednih subjekata

Iznos: 300.000,00 KM

Svrha:

U cilju intenziviranja realizacije poslovnih ideja u području proizvodnih djelatnosti, te smanjenja troškova administriranja pri izradi biznis plana, registraciji privrednog subjekta, nabavci potrebne opreme i mašina kao i troškova doprinosa za direktora privrednog subjekta, Vlada Kantona će refundirati troškove za odabrane projekte.

Pored navedenih mjera, Vlada kantona će u saradnji sa Razvojnim programom Ujedinjenih nacija pokrenuti program podrške obrtnicima (obrt mlađi od 6 mjeseci) i fizička lica koji će uključivati i) izgradnju poduzetničkih vještina kroz obuke, ii) izradu biznis plana, iii) sufinansiranje najboljih poslovnih ideja.

Kriteriji i procedure za prihvatanje određenog projekta investitora detaljno su obrađeni u Uputstvu o postupku i kriterijima za odobravanje i dodjelu sredstava poticaja.

Radi obavještanja korisnika o mogućnostima dobivanja sredstava poticaja odluka se objavljuje u sredstvima javnog informiranja u formi javnog poziva za dodjelu poticajnih sredstava na oficijelnoj web stranici Kantona.

Organizacija – primalac: Novoregistrirani privredni subjekti ili poduzetnici koji žele osnovati novi privredni subjekt.

Kriteriji: Uputstvo o postupku i kriterijima – prema Javnom pozivu.

3. RAZVOJ TURISTIČKE INFRASTRUKTURE I PONUDE

UKUPAN IZNOS: 400.000,00KM

Indikatori: Broj turističkih posjetitelja, broj turističkih noćenja, prihodi od turizma, broj sezonskih ili privremenih radnih mjesta u turizmu;

3.1. Subvencioniranje projekata izgradnje i obnove javne turističke infrastrukture

Iznos: 300.000,00 KM

Svrha:

U cilju unapređenja turističke ponude Kantona, te intenziviranje razvoja turističke infrastrukture, a samim tim i uticaja na zapošljavanje i razvoj Zeničko-dobojskog kantona, Vlada Kantona će subvencionirati dio troškova realizacije projekata koje realizuju općine i nevladine organizacije, kao što su priprema i organizacija obnove i/ili izgradnje objekata javne turističke infrastrukture:

- kupališta i plaže na rijekama i jezerima,
- turistički informativni centri,
- odmorišta pored puteva,
- otvoreni objekti sportske rekreacije i rekreacije za djecu,

- male vještačke akumulacije sa kupalištem,
- zabavno rekreativne staze i puteve (trim staze, staze zdravlja, vidikovci, panoramski putevi, biciklističke staze, pješačke staze, i slično),
- objekti za posmatranje prirodnih rijetkosti,
- objekti za predah i kraće zadržavanje turista, i drugo.

Pravo na dodjelu sredstava poticaja za realizaciju projekata imaju općine, Mjesne zajednice i udruženja registrirana na kantonalnom nivou prema Zakonu o udruženjima i fondacijama ("Službene novine Federacije BiH", broj: 45/02), čije dominantne aktivnosti su vezane za djelatnosti turizama.

Kriteriji i procedure za prihvatanje određenog projekta investitora detaljno su obrađeni u Uputstvu o postupku i kriterijima za odobravanje i dodjelu sredstava poticaja.

Radi obavještanja korisnika o mogućnostima dobivanja sredstava poticaja odluka se objavljuje u sredstvima javnog informiranja u formi javnog poziva za dodjelu poticajnih sredstava na oficijelnoj web stranici Kantona.

Organizacija-primalac: Općine, Mjesne zajednice i udruženja

Kriteriji: Uputstvo o postupku i kriterijima – prema Javnom pozivu.

3.2. Subvencioniranje povećanja iskorištenja kapaciteta u ugostiteljskim objektima za smještaj i seoskom turizmu

Iznos: 50.000,00 KM

Svrha:

U cilju povećanja stepena iskorištenja smještajnih kapaciteta u ugostiteljskim objektima za smještaj, kao i zbog niza drugih sinergetskih efekata, Vlada Kantona će ugostiteljima koji pružaju ugostiteljske usluge u ugostiteljskom objektu za smještaj (iz skupine „druge vrste objekata za smještaj“, ugostiteljske usluge u domaćinstvu, seoskom domaćinstvu) subvencionirati dio troškova za smještaj i boravak turistima na području Zeničko-dobojskog kantona, počev od 01.01.2017. godine.

Pored subvencioniranja stepena iskorištenja smještajnih kapaciteta u ugostiteljskim objektima za smještaj, ovim programom će biti realiziran i jednokratni poticaj za registrirana i kategorizirana seoska domaćinstva, te etno sela i agro-turističke destinacije.

Kriteriji i procedure za prihvatanje određenog projekta investitora detaljno su obrađeni u Uputstvu o postupku i kriterijima za odobravanje i dodjelu sredstava poticaja.

Radi obavještanja korisnika o mogućnostima dobivanja sredstava poticaja odluka se objavljuje u sredstvima javnog informiranja u formi javnog poziva za dodjelu poticajnih sredstava na oficijelnoj web stranici Kantona.

Organizacija – primalac: Privredni subjekti iz Zeničko-dobojskog kantona (pravna i fizička lica) registrirani za obavljanje djelatnosti smještaja i pružanja ugostiteljskih usluga turistima/posjetiteljima.

Kriterij: Uputstvo o postupku i kriterijima – prema Javnom pozivu.

3.3. Subvencioniranje obnove starog Bosanskog grada Bobovac

Iznos: 50.000,00 KM

Indikatori: Brošure, posjete WEB. stranici, broj posjetilaca. broj prezentacija na sajmovima, broj kreiranih marketinških alata i kampanja.

Svrha:

U raznolikom i bogatom fondu kulturno-istorijskog naslijeđa Bosne i Hercegovine utvrđeni gradovi zauzimaju posebno mjesto. U odnosu na ostale gradove, po svome značaju i arhitektnoskoj kompleksnosti, izdvaja se srednjovjekovni kraljevski grad Bobovac, koji je 2002. godine proglašen nacionalnim spomenikom Bosne i Hercegovine. Bobovac je bio prijestolnica bosanskih vladara od vladavine bana Stjepana II Kotromanića do prestanka bosanske samostalnosti (prva polovina XIV stoljeća – 1463. godina). Bobovac je jedini srednjovjekovni grad – utvrđenje u Bosni i Hercegovini čiji je vladarski dvor u cjelini istražen i predstavlja karakterističan primjer srednjovjekovne arhitektonske i urbanističke cjeline, savršeno uklopljene u prirodni ambijent. Brojni arheološki ostaci svjedoče o životu najviše bosanske vlastele integrirane u onovremenu evropsku kulturu. Turistička i obrazovna vrijednost je vrlo velika, jer se adekvatnom prezentacijom, na kompletno istraženom lokalitetu, može upoznati sa materijalnom kulturom i političkom historijom srednjovjekovne samostalne bosanske države.

U početnoj fazi projekti na Kraljevskom gradu Bobovcu obuhvataju rekonstrukciju prilazne staze do mauzoleja na Kraljevskom gradu, odnosno da se na prilaznoj stazi uradi popločavanje prilaznog puta od kamenih ploča, kao i izgradnju drvene brvnare koja bi isključivo služila kao „Suvenirnica“ i za fizičko obezbjeđenje na Kraljevskom gradu te za zadovoljenje ostalih potreba turista koji pohode ovu turističku destinaciju (informacije, ponude, takse, mini izložbe suvenira, itd.).

Cilj ovih projekata je očuvanje, zaštita i unapređenje kulturno – istorijske baštine, s posebnim naglaskom na stavljanje u kontekst turističke ponude Kraljevskog grada Bobovca, a s ciljem nesmetanog odvijanja turističkih aktivnosti i razvoja turističke ponude na području općine Vareš. Istim će biti snažno podržan razvoj kućne radinosti i zapošljavanje velikog broja mještana koji gravitiraju Kraljevskom gradu Bobovcu i šire, na izradi suvenira i proizvodnji zdrave hrane.

Organizacija – primalac: Općine Vareš

Kriterij: Prema odlukama Vlade Kantona.

4. SUFINANSIRANJE PROJEKATA FINANSIRANIH IZ MEĐUNARODNIH FONDOVA

UKUPAN IZNOS: 10.000,00 KM

Indikatori: Broj međunarodnih projekata; iznos realiziranih sredstava iz međunarodnih fondova.

Svrha:

Postupak EU integracija u posljednja vrijeme sve je prisutniji u Bosni i Hercegovini, pa i Zeničko-dobojskom kantonu. Mnogi subjekti koriste mogućnost obezbjeđenje finansijskih sredstava za realizaciju projekata iz međunarodnih finansijskih organizacija.

U ovim aktivnostima najčešće se traži participacija lokalne zajednice, a završava se sufinansiranjem.

Vlada Kantona donijet će Odluku o obavezi planiranja finansijskih sredstva za sufinansiranje projekata odobrenih od međunarodnih institucija. Ovom odlukom biti će određeno je da će se sufinansirati projekti od interesa za Kanton samo u slučaju kada je prije dostavljanja aplikacije s implementatorom potpisan Protokol o partnerstvu.

Ministarstvo za privredu će podržati takve projekte iz svoje nadležnosti.

Organizacija – primalac: Partnerska organizacija

5. REZERVA

UKUPAN IZNOS: 50.000,00 KM

Svrha:

U slučaju da se pojave projekti koji nisu navedeni u prethodnom dijelu Programa utroška, prema odluci Vlade Kantona biti će financirani iz ovih sredstava.

Organizacija – primalac: Korisnici po zahtjevu

REKAPITULACIJA

Rb	NAZIV PROGRAMA	Iznos sredstava /KM/
1	RAZVOJ KONKURENTNOSTI PRIVREDE	640.000
1.1	Program podrške razvoju konkurentnosti privrede (investiranje u opremu, obuke radne snage, promocija i sajmovi, standardi i kontrola kvalitete, patentni)	500.000
1.2	Subvencioniranje projekata komora i udruženja iz područja privrede	40.000
1.3	Subvencioniranje - regresiranje kamata na investicijske kredite	100.000
2.	RAZVOJ PODUZETNIŠTVA I PODUZETNIČKE KULTURE	500.000
2.1	Subvencioniranje administrativnih troškova i investicija kod obrta	200.000
2.2	Subvencioniranje administrativnih troškova kod pokretanja poslovnih ideja i registracije privrednih subjekata	300.000
3.	RAZVOJ TURISTIČKE INFRASTRUKTURE I PONUDE	400.000
3.1	Subvencioniranje izgradnje i obnove javne turističke infrastrukture	300.000
3.2	Subvencioniranje povećanja iskorištenja kapaciteta u ugostiteljskim objektima za smještaj i seoskom turizmu	50.000
3.3	Subvencioniranje obnove starog Bosanskog grada Bobovac	50.000
4.	SUFINANSIRANJE PROJEKATA FINANSIRANIH IZ MEĐUNARODNIH FONDOVA	10.000
5.	REZERVA	50.000
UKUPNO:		1.600.000

Imajući u vidu činjenicu da će realizacija zavisiti od prijavljivanja potencijalnih korisnika, odnosno njihovog interesa, planirana sredstva se mogu prelijevati iz projekta u projekt.

Broj: 02-14-4732/18.

Datum, 19.03.2018. godine
Zenica

PREMIJER

Miralem Galijašević

DOSTAVLJENO:

1x Ministarstvo za privredu,
1x Ministarstvo finansija,
1x a/a.